


UFD  
Postboks 8119 Dep  
0032 OSLO



Dykkar referanse: 200402804

Breistein 08.09.2004

### Høyring – forslag til endring i forskrift om opptakskrav

Norsk Lærarakademi Lærarhøgskolen takkar for høve til å gi uttale til *Forslag om endringer i forskrift om opptakskrav til grunnutdanningar ved universiteter og høgskolar § 8 Spesielle opptakskrav*. Vi avgrensar vår uttale til første punkt, spesielle opptakskrav til allmennlærerutdanninga.

#### Generelt

Innføring av karakterkrav vil føre til at mange potensielle søkarar ikkje får høve til å vise om dei er i stand til å nå dei krava som vert sett til ein sertifisert allmennlærer. Ein stor del av desse søkarane vil kunne komme til å ta anna type lærarutdanning. Dette vil i så fall svekke allmennlærerutdanninga og på sikt føre til at andelen av allmennlærarar i grunnskulen går ned. Slike konsekvensar kan vi ikkje sjå er drøfta. Vi kan vidare ikkje sjå at det er gjort greie for forskning som viser kva samanheng det er mellom karakterpoeng ved inntak til lærarutdanning og kvalitet på sertifiserte lærarar. Det er derfor usikkert kva effekt dette tiltaket vil ha. Vi meiner derfor at konsekvensane av den nye ordninga må utgreiast nærare før ordninga vert vurdert innført.

#### Modellar

Skal ein ha karakterkrav ved inntak til allmennlærerutdanninga, vil det vere naturleg å knyte dei både til fag som er obligatoriske i lærarutdanninga og til poengkrav på bakgrunn av alle fag. Det vil etter vår meining vere heilt uaktuelt å innføre dei strengaste krava, særleg med tanke på utilsikta konsekvensar som vi peiker på i avsnittet over. På den bakgrunn er Alternativ 6 etter vår meining det beste alternativet.

#### Konklusjon

Særleg fordi ordninga vil gjelde berre for allmennlærerutdanning, og ikkje andre typar lærarutdanning, tilrår vi at konsekvensane av den nye ordninga må utgreiast nærare før ordninga vert vurdert innført. Dersom det likevel vert innført no, tilrår vi at Alternativ 6 vert valt.

  
Svenning Bjørke  
Fung.rektor